



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniversis Tam Ecclesiasticis quàm secularibus Principibus Alemanniae.

urn:nbn:de:hbz:466:1-20006

536 Epistolarum Innocentij III.

valebit omnino cui suum dignata fuerit favorem præstare. Datum Laterani V.
Nonas Maij , pontificatus nostri anno secundo.

*V N I V E R S I T A M E C C L E S I A S T I C I S
quām secularibus Principibus
Alemannie.*

*Epist. 294.
De codem ar-
gumento.*

Q Vanta debeat esse concordia inter regnum & sacerdotium , in seipso Christus ostendit , qui est Rex Regum & dominus dominantium , Sacerdos in æternum secundum ordinem Melchisedech , qui & secundum naturam carnis assumptæ de sacerdotali pariter & regali stirpe descendit. Ad quod etiam delignandum beatissimus Petrus ad fidem Christi conversis dicebat: *Vos esis genus electum , regale sacerdotium.* Et ad Christum in Apocalypsi clamatur: *Fecisti nos Deo nostro regnum & sacerdotium.* Hæc enim sunt duo Cherubin , qui versis vultibus in propitiatorium , super ipsum duabus alis conjunctis mutuo se describuntur respicere. Hæc sunt duas mirabiles & speciosæ columnæ positæ juxta ostium in vestibulo templi , quas ambit linea duodecim cubitorum. Hæc sunt duo magna luminaria , quæ Deus in firmando memento celi constituit ; luminae maius, ut præcesset diei , & luminae minus, ut nocti præcesset. Iste sunt duo gladij de quibus Apostoli responderunt : *Ecce gladij duo hic.* Quorum omnium rationem aliquumque multorum quæ de sacris libris excerpta concordiam expressè significant inter Ecclesiam & Imperium , expnere prætermittimus , cùm utilitas ex ipsa proveniens expressius hanc expnatur. Per hanc enim concordiam propagatur fides , hæresis confutatur , plantantur virtutes , virtus succiduntur , servatur justitia , iniquitas propulsatur , viget tranquillitas , persecutio conquiescit , cum pace populi Christiani paganorum barbaries subjugatur , cum incremento Imperij Ecclesiæ libertas accrescit , cum incolumitate corporum salus proficit animalium , & tam Clero quām populo sua iura servantur. Et licet Romanam Ecclesiam quasi matrem universa regna respiciant in quibus nomen colitur Christianum , Romanum tamen Imperium eam arctius debet ac devotius amplexari , ut & ipsa per illud accipiat defensionis auxilium , & illud per ipsam in suis necessitatibus adjuvetur. Ille vero qui paci sem-

per invidet & quieti , sicut Romanam tunc divisit Ecclesiam , ita nunc Romanum divisit Imperium , & tantam inter vos discordiam seminavit , ut duos vobis in Reges præsumperitis nominare , quibus inter vos ipsos divisi pertinaciter adhæretis , non attendentes quot & quanta discrimina per hoc non solum Romano contingent Imperio , sed universo proveniant populo Christiano. Et ecce per hujus dissensionis materiam Imperij libertas minuitur , jura depereunt , & dignitas decurtatur , destruuntur Ecclesiæ , lœduntur pauperes , Principes opprimuntur , universa terra vastatur , & quod est longe deterius , strages corporum imminent & periculum animalium. Ex hoc etiam inimici fidei Christianæ non modicam audaciam contra fideles assumunt. Nos igitur hujusmodi auditis & cognitis , tacti fuimus dolore cordis intrinseco , & nimio merore turbati ; quia non , ut quidam pestilentes homines mentiuntur , ad Imperij destructionem vel depressionem intendimus , sed ad conservationem & exaltationem ipsius potius aspiramus ; cùm et si quidam Imperatores Ecclesiam vehementer affligerunt , alij tamen eam multipliciter honorarunt. Expectantes autem hactenus expectavimus si forte vos ipsi saniori ducti consilio , tantis malis finem imponere curaretis , videlicet ad nostrum recurreretis auxilium , ut per nos , ad quos ipsum negotium principaliiter & finaliter noscitur pertinere , vestro studio medianre tanta dissensio sopiretur. Verum quia vos in hac parte negligentes & desides hactenus extitistis , nos , qui juxta verbum propheticum constituti sumus à Deo super gentes & regna , ut evellamus & destruamus , ædificemus etiam & plantemus , officij nostri debitum exequi cupientes , universitatem vestram monemus attentiū & exhortamur in Domino , per apostolica scripta mandantes , quatenus Dei timorem habentes præ oculis , & honorem zelantes Imperij , ne libertas ejus depereat , & dignitas annulleatur , ad provisionem ipsius melius intendatis ; ne fovento discordiam , per vos imperialis sublimitas destruatur , quæ per vestrum deberet studium conservari. Alioquin quia mora de cerero trahit ad se grave periculum , nos quod expedire noverimus procurantes , ei curabimus favorem apostolicum impetriri quem credemus majoribus studiis & meritis

*Vide lib. i.
epist. 401. &
cap. Solite. de
major. & obe-
dientia.*

ritis adjuvari. Datum Laterani &c. pontificatus nostri anno secundo.

*EPISCOPO VERCELLENSI
& Abbati de Lucedio.*

*Epist. 295.
Eis committit-
causa quæ-
dan Mediola-
nenſis.
Vide To. iv.
ital. fac. pag.
1689.*

Innocentius Episcopus servus servorum Dei venerabilis fratri Vercellensi Episcopo & dilecto filio Abbati de Lucedio salutem & apostolicam benedictionem. Cùm causam quæ inter dilectos filios Abbatem & monachos ex una parte, & Praepositum & Canonicos sancti Ambrosij Mediolanensis ex altera, super interdicto & quibusdam aliis vertitur, procuratoribus partium apud sedem apostolicam constitutis, de voluntate ipsorum dilectorum filiis I. Archidiacono Mediolanensi, sancti Iohannis Papiensis & sancti Iohannis de Trenno Praepositis commis- ferimus terminandam, iphi, quemadmodum nobis suis litteris intimarunt, cùm non possent ad invicem concordare, partes ab observatione sui iudicij absolventes, ad nos negotium integrum remiserunt; quod ab Abbatे & monachis memoratis coram dilecto filio nostro I. tituli sancti Stephani in Cœlio monte Presbytero Cardinali, cui partes commisi- mus audiendas, sub forma qua fuerat pri- mis judicibus delegatum, committi personis aliis petebatur; parte altera con- trarium postulante. Quia verò nihil est rationabiliter allegatum quare circa præmissam commissionem de communi partium voluntate imperatam mutare aliquid deberemus, cùm circa negotium ipsum nihil fuerit immutatum, volentes ut finis litibus imponatur, causam ipsum vobis duximus committendam, per apostolica scripta mandantes quatenus juxta tenorem prioris commissionis in negotio ratione prævia procedatis. Datum Late- rani IX. Kal. Iunij, pontificatus nostri anno secundo.

*JOHANNI PRIORI
de Mariadura ejusque fratribus tam
præsentibus quam futuris.*

*Epist. 296.
De confirma-
tione privile-
giorum.*

Innocentius Episcopus servus servorum Dei dilectorum filiis Iohanni Priori domus quæ est in loco qui Mariadura dic- citur, ejusque fratribus tam præsentibus quam futuris in perpetuum. Quoties à nobis petitur quod rationi & honestati convenire dinoſcitur, animo nos decet li- benti potentium desideriis congruum suf- fragium impetriri. Eapropter, dilecti in Domino filij, vestris justis postulationi-

Tom. I.

bus clementer amuimus, & prædecessorū nostrorum felicis memoriae Calisti, Innocentij, Celestini, Anastasij, Adriani, Alexandri, Lucij, Urbani, Clementis, & Celestini Romanorum Pontificum vestigiis inhærentes, hospita- lem domum quæ est in loco qui Mariadura vocatur, quam nobilis vir Gandal- fulsus & uxor ejus Gisla beato Petro devotionis intuitu obtulerunt, in qua Domino deservitis, sub beati Petri & nostra protectione sufficiimus & præ- sentis scripti privilegio communimus, statuentes ut præfata domus tam ab E- piscoporum quam aliarum ecclesiastica- rum vel secularium personarum sit gra- vamine libera, & in eodem statu libertatis sub principiis Apostolorum Petri & nostra protectione ac tutela permaneat. Præterea qualcumque possessiones, quæcumque bona, tam ex dono prædicti. Gandalphi & uxoris illius Gisla, quam aliorum Dei fidelium concessione vel oblatione, idem hospitale in præsentiarum justè & canonice possidet, aut in futu- rum Deo proprio rationabiliter poterit adipisci, firma vobis vestrisque successo- ribus & eidem hospitali ad sustentatio- nem peregrinorum ac pauperum Christi firma & illibata permaneant. in quibus hæc propriis duximus exprimenda voca- bulis. Ecclesiam videlicet sancti Leonardi de Caro, hospitale quod dicitur fon- tana Theodorici. Auētoritate quoque apostolica interdicimus ut de laboribus quos propriis manibus aut sumptibus colitis, seu de nutrimentis vestrorum animalium, nullus omnino Clericus sive laicus à vobis decimas extorquere præsumat. Ordinationes sanè Presbyterorum vel Clericorum vestrorum à Placentino accipietis Episcopo; si tamen catholicus fuerit, & ea vobis gratis & absque mole- stia voluerit exhibere. Alioquin pro eo- dem sacramento catholicum, quem ma- lueritis, Præfulem adeatis. Libertates præterea & immunitates, necnon anti- quas & rationabiles consuetudines domui vestrae concessas, & haētenus observatas, ratas habemus, & eas futuris temporibus illibatas manere sancimus. Obeun- te verò te nunc ejusdem loci Priore, vel tuorum quolibet successorum, nullus ibi qualibet surreptionis astutia seu violen- tia præponatur, nisi Clericus quem fra- tres communī consensu vel fratrum pars consilij sanioris secundūm Deum provi- derint eligendum. Ad indicium autem

Yyy